

太常因革禮

太常因革禮卷第六十九

新禮二

恭謝天地下

至和三年九月十二日恭謝天地於大慶殿下

進熟

皇帝既升奠玉幣太官令帥進饌者詣神厨太官令以棘
匕於饌取胙各設於牛羊豕鼎畢之祝史以局對舉奉陳
於饌幔之內重行北向以西爲上禮生引司徒出詣饌次
司徒舉昊天上帝之頌進皇帝還位樂止太官令引饌入
俎內初八宮縣奏豐安之樂以黃鍾之均太官令帥進饌
者俱詣西階下北向西上

每位用牛羊豕鼎各一其太官
三牲共載一俎司徒奉奠

令以匕於逐鼎內取牛羊豕肝共設一俎司徒指笏奉俎

升其鼎先退祝史俱進跪徹毛血之豆降自東階以出饌

俎升殿諸太祝迎引各設於神座前訖樂止皇帝祇祔并配
帝奉俎如上

儀禮生引司徒及太官令帥進饌者降自東階以出司徒

復位諸太祝各還攝所訖禮儀使前引皇帝詣盥洗宮縣

乾安之樂作皇帝至盥洗樂止侍中跪取匱與沃水又侍

中跪取盤承水皇帝搢圭盥手門下侍郎跪取巾於篚興

進皇帝帨手訖門下侍郎受跪置於篚門下侍郎又跪取

匏爵於篚興進皇帝受爵侍中酌盥水又侍中捧盤皇帝

洗爵門下侍郎帨巾皆如初皇帝拭爵訖侍中奠盤匱門

下侍郎受巾奠於篚皆如儀禮儀使前引皇帝宮縣乾安

樂作詣殿下位解劍脫舄訖樂止升自東階登歌乾安樂
作禮生引司徒升自東階立於罇所齊郎捧胙俎從升立
於司徒之後皇帝升殿樂止禮儀使贊引皇帝詣昊天上
帝尊站所執尊者舉幕侍中贊酌泛齊訖禧安之樂作禮
儀使引皇帝進詣昊天上帝神座前北向跪奠爵俛伏興
贊稱皇帝少退北向立樂止捧冊官舉冊進於神座之右
中書侍郎東向跪讀冊文訖禮儀使奏請皇帝再拜中書
侍郎進跪奠冊於神座興還尊所皇帝拜訖樂作禮儀使
次引皇帝詣皇地祇尊站所侍中贊酌泛齊訖禮儀使引
皇帝詣皇地祇神座前北向跪奠爵俛伏興贊稱皇帝少退
北向立樂止捧冊官舉冊進中書侍郎跪讀冊文訖禮儀

使奏請皇帝再拜

自此以下三位中書侍
郎跪奠冊並如上儀

皇帝拜訖禮儀

使次引皇帝詣太祖皇帝尊站所侍中贊酌泛齊乾安之
樂作禮儀使贊引皇帝進詣太祖皇帝神座前東向跪奠
爵俯伏興贊皇帝少退東向立樂止捧冊官舉冊進中書
侍郎跪讀冊文訖禮儀使奏請皇帝再拜皇帝拜訖樂作
禮儀使次引皇帝詣太宗皇帝尊站所侍中贊酌泛齊訖
禮儀使贊引皇帝詣太宗皇帝神座前東向跪奠爵俯伏
興贊皇帝少退東向立樂止捧冊官舉冊進中書侍郎跪
讀冊文訖禮儀使奏請皇帝再拜皇帝拜訖樂作禮儀使
次引皇帝詣真宗皇帝尊站所侍中贊酌泛齊訖禮儀使
贊引皇帝詣真宗皇帝神座前東向跪奠爵俯伏興贊皇

帝少退東向立樂止捧冊官舉冊進中書侍郎跪讀冊文訖禮儀使奏請皇帝再拜皇帝拜訖禮儀使贊引皇帝詣飲福位禧安之樂作禮生引司徒詣東階升立於鐫所太祝各以爵酌上尊福酒合置一爵以授侍中侍中捧爵西向跪進皇帝禮儀使奏請皇帝再拜揖圭跪受爵齊酒啐酒奠爵復於北太祝帥齋郎進胙俎太祝臧神座前胙肉皆取前胙加於俎又取稷黍飯簋各一太祝持俎以授司徒司徒捧俎東向跪進皇帝受俎以授左右禮生引司徒降復位皇帝執爵飲福訖侍中進受虛爵以授太祝爵復於北禮儀使贊皇帝執圭俛伏興再拜訖禧安樂止乾安樂作引皇帝佩劍納弓還位

近儀即還小次俟三獻畢還版位

西向立

樂止文德之舞退武德之舞入鼓祝奏正安之樂舞者立
定樂止禮官引亞獻自本位解釵脫履詣盥洗盥手洗爵
拭爵引自龍墀東朶殿階升詣尊站酌醴齊訖宮縣奏正
安之樂武功之舞作禮官引詣昊天上帝神座前北向稽
筓跪奠爵訖執筓俯伏興少退再拜訖次酌奠皇地祇太
祖皇帝太宗皇帝真宗皇帝神座並如上儀宮縣樂止退
就飲福位再拜訖稽筓跪受爵飲福訖執筓俛伏興爵復
於站再拜退降階佩釵納履還位次引三獻升武功之舞
作酌獻飲福並如亞獻之儀降階還位訖武功之舞止登
歌歌安之樂作諸太祝及祝史齋郎各進跪徹邊豆興還
尊所徹邊豆各一歌安樂止奉禮曰已飲福受胙再拜公

卿百僚拜禮生贊賜胙再拜在位官皆再拜訖宮縣景安之樂作送神一成止禮儀使前奏請再拜皇帝再拜訖奉禮曰衆官再拜在位皆再拜

望燎

送神樂止皇帝再拜訖禮儀使奏請就望燎位前引皇帝宮縣乾安樂作就位南向立樂止舉權火初賜胙衆官拜訖諸太祝各執篚進神座前取玉幣竹冊齋卽以俎載牲體稷黍飯爵酒由西階降殿南行折方而東又南行經燎壇而過東行自南階登燎壇以玉弊祝冊饌物置於柴上戶內奉禮曰可燎東西各六人以炬火燎半柴禮儀使跪奏稱具官臣某言禮畢奏訖俯伏興前導皇帝還大次宮

縣乾安之樂作出大慶殿中門殿中監前跪受鎮圭以授
尚衣奉御華蓋侍衛如儀皇帝還大次樂止侍中奏解嚴
將士不得
脫離許伍

駕還紫宸殿

皇帝既至大次侍中版奏請解嚴訖少頃皇帝常服乘小
輦出大次自內傳呼出外馳導左右諸營數隊及鼓吹皆
振作鈞容班樂自大次振作由右昇龍門出入朝堂門文
德殿門有司勘契如儀由東上閤門導還紫宸殿皇帝至
御幄鈞容樂止諸營鼓吹傳呼出外皆止文武百官詣殿
前立班稱賀俟皇帝升座樞密使以下賀訖文武百僚俱
橫行樞密使以下稱
賀並閤門祇候典儀曰再拜百僚俱再拜舞蹈三稱

萬歲又再拜訖班首奏聖躬萬福又再拜中書門下班首

少前跪賀

其詞中書門下撰

訖復位典儀曰再拜百僚皆再拜舞

蹈三稱萬歲又再拜訖宣徽使進詣御座前承旨退西面

向稱有制典儀曰再拜百寮皆再拜宣答

其詞學士撰

訖典儀

曰再拜百寮皆再拜舞蹈三稱萬歲又再拜訖分班序立

皇帝降座文武百寮相次退三刻頃皇帝常服乘小輦以

出鈞容樂自紫宸殿振作由東上閤門出東文德殿門朝

堂門由右昇龍門導引至宣德門內御幄仍自內傳呼出

外馳道左右諸門素隊及鼓吹皆振俟皇帝降輦樂皆止

以俟登樓肆赦 禮院例冊是歲禮官上言檢會大中祥

符五年十一月恭謝玉皇於乾元殿閏十月七日先告謝

太廟前一日長春殿致齋百官宿於朝堂今恭謝用九月
十二月請於上旬擇日先告謝太廟有詔前一日詣太廟
行禮宰臣以下三上章乞罷親謁太廟之禮於是下詔曰
朕欽懷景□昭對明靈率案舊章以圖鉅禮前款廟祐期
遍奉於饋嘗還裡露庭將合荅於穹厚永惟灌鬯時可弗
躬故重議於建言久未從於來請卿等誼深同體志切愛
君固謂菲涼始臻平粹當務齋明之感豈專繁縟之爲且
曰天地念生民之深時則錫九震之福祖宗懷繼統之重
豈欲殫大輅之勤有味所陳備昭忠懇且念在天之后已
配帝西申嚴觀德之□□□宮著式質諸典禮皆適經
權勉徇勤誠式終熙事將來朝享日特遣大臣詣太廟攝

事皇帝更不親行朝謁 禮院例冊是歲宗正寺上言今以將行恭謝之禮雅飾太廟皇后廟奉慈廟殿宇及法物等所有溫成皇后廟未委當雅飾與否事下禮院禮官言準近降御禮以恭謝差官詣逐處奏告而不及溫成廟如此則將來恭謝一日朝享太廟其溫成廟亦不當差官行事既不行事則緣廟法物亦不雅飾有詔禮官重加詳定禮官又言按太平興國六年十一月南郊禮畢十二月禮院奏今月二十三日當臘享太廟緣南郊之前皇帝親行朝享之禮乞罷臘享以應古者祭不欲數之義所有孝惠皇后別廟仍依例臘享詔可由此觀之則朝享太廟之日孝惠廟不與差官行事昭明伏望恭謝朝享亦不差官於

溫成廟行事如孝惠廟例詔可 禮院例冊禮官又言檢
會天聖十年十一月六日大慶殿恭謝天地同日詣太廟
不曾赴景靈宮今來參詳伏請依天聖例更不起本宮酌
獻詔可按禮院例冊是歲禮官上言按天聖十年以太祖
太宗配又按景祐五年八月詔書今後每遇南郊以三聖
並侑今來恭謝伏請配侑如景祐詔書詔可 禮院例冊
是歲禮官上言按通禮及禮院儀注終獻畢皆載太祝撤
俎之文此禮廢有司不知近歲明堂羣舉儀典仍用樂典
樂章今來恭謝欲乞朝廷遵明堂新制更饌樂章行撤豆
之儀詔可 禮院例冊儀注是歲禮官定大次於左昇龍
門內大慶殿東門之東九月二日習儀中書門下召禮官

欲移大次恐聖躬初安未能行遠就小次禮官遂上言曰
古者祀事貴于簡恭使體不至勞色不至倦所以安養志
力致虔於神今大次遠在外門之東欲乞移於東廊之東
西向當燎壇之北仍於東廊之西燎壇之東小次幕布權
爲東神門至日皇帝乘小輦自文德門側入至大次降輦
以俟改服袞冕入自東神門就小次版位行禮詔可

太常因革禮卷第六十九

太常因革禮卷第七十

新禮三

上帝后謚號冊寶一

上帝后謚號冊寶一

建隆元年九月九日崇元殿命使追尊四祖謚號冊寶并
附享太廟 禮閣新編是歲七月太常禮院準狀敕追尊
四帝廟號謚號三后謚號伏請宣下詔恭依典禮是歲九
月九日皇帝御崇元殿命使追尊四廟上謚號冊寶授太
常禮院奏定儀注

陳設

前一日尚舍奉御及所司設御幄座於崇元殿中間南向

如式又設授冊寶位於御座前南向典儀設中書門下翰林學士兩省御史臺供奉官位於香案之南如常入閣之儀文武常叅官宗親諸親等位如常式設門下侍郎中書侍郎押冊寶案等位於東階下近東西向以北爲上門下侍郎押幡節位於西階之下近西東向設冊使太尉司徒位於香案前北向以西爲上典儀位於東階之東近北贊禮者二人在南少退俱西向命使前二日奏告天地社稷差宮行事如常告之儀中書省門下省前一日奉冊寶進內命使曰從東上閤門降出付所司排列如式

皇帝奉冊寶

其日冊使太尉副使司徒及文武常叅官並早入朝左右

金吾將軍詣衙量陳仗衛於殿庑所司先陳載冊寶犢車

及冊使太尉副使司徒轝車鹵簿鼓吹儀仗等於昇龍門

外如式文武常叅官宗親諸親依時刻入就次

應行事官朝服餘官

常服門下侍郎帥主節者持幡節中書侍郎率令史絳服介

幘奉冊寶案并昇冊寶官俱入就位門下侍郎中書侍郎

各立於節及冊寶案之前以俟禮官通事舍人引冊使太

尉副使司徒立於崇元門外道東西向位以北爲上文武

百官立班定次禮官通事舍人引侍中版奏請中嚴近仗

就陳於閣門外次引侍中版奏外辦殿上承旨索扇扇上

皇帝服袞冕服御輿出自西房曲直華蓋侍衛警蹕如常

儀卽御座扇開殿上添香次金吾將軍奏平安訖次通事

舍人引中書門下翰林學士兩省御史臺供奉官及諸司
三品尚書省四品以上官橫行合班北向立定典儀曰再
拜應在位官皆再拜起居訖又再拜各分班東西序位次
禮官通事舍人引冊使太尉副使司徒欲入位宣徽使奏
請皇帝降座奉引詣階下香案前南向立次禮官通事舍
人引中書令奉冊案侍中奉寶綬案諸詣序立於御位之
東重行西向以北爲上中書侍郎門下侍郎各還本班冊
使太尉副使司徒入至香案前位再拜訖引詣御前以西
爲上北向立次中書令奉禧祖文獻皇帝冊案進皇帝摺
圭捧授冊使冊使摺笏跪受轉授昇冊官凡冊使受冊寶
轉授昇冊寶官
詳冊官還從執笏俯伏興次侍中奉寶綬案進皇帝捧授

冊使冊使搢笏跪受轉授昇冊官執笏俛伏興次中書令
奉文懿皇后冊寶案進皇帝捧授冊使冊使搢笏跪受轉
授昇冊官執笏俯伏興次侍中奉寶綬案進皇帝捧授冊
使冊使搢笏跪受轉授昇寶官執笏俛伏興次中書令奉
順祖惠元皇帝冊案進皇帝捧授冊使冊使搢笏跪受轉
授昇冊官執笏俛伏興次侍中奉寶綬案進皇帝捧授冊
使冊使搢笏跪受轉授昇寶官執笏俛伏興次中書令奉
惠明皇后冊案進皇帝捧授冊使冊使搢笏跪受轉授昇
冊官執笏俛伏興次侍中捧寶綬案進皇帝捧授冊使冊
使搢笏跪受轉授昇寶官執笏俯伏興次中書令奉翼祖
簡恭皇帝冊案進皇帝捧授冊使冊使搢笏跪受轉授昇

冊官執笏俯伏興次侍中捧寶綬案進皇帝捧授冊使冊
使搢笏跪授轉授昇寶官執笏俯伏興次中書令奉簡穆
皇后冊案進皇帝捧授冊使冊使搢笏跪受轉授昇冊官
執笏俯伏興次侍中奉寶綬案進皇帝捧授冊使冊使搢
笏跪受轉授昇寶官執笏俯伏興次中書令奉宣祖昭武
皇帝冊案進皇帝捧授冊使冊使搢笏跪受轉授昇冊官
執笏俯伏興次侍中奉寶綬案進皇帝捧授冊使冊使搢
笏跪受轉授昇寶官執笏俯伏興次中書令侍中退各還
本位次門下侍郎以幡節授冊使冊使跪受如常儀門下
侍郎退還本班禮官通事舍人引冊使太尉副使司徒押
冊寶出持節者前導昇冊寶案者次之俱南行至辭見位

引就位面北再拜辭訖押冊寶出自正門俟冊使已下出門宣徽使奏請皇帝升殿即御座如常儀次通事舍人分引應橫行官就北向位立定典儀曰再拜應在位官俱再拜訖分班東西序立定次引侍中詣御座前跪奉稱攝侍中具官臣某言禮畢俛伏興退還本班殿上承旨索扇扇上皇帝降御座御輿入自東房曲直華蓋侍衛警蹕如來儀扇開所司承旨放仗冊使太尉副使司徒至昇龍門外奉冊寶置於載冊寶車冊使太尉副使司徒各乘輅車鹵簿鼓吹導引不備而至太廟立班俟行上謚之禮上謚前七日太尉帥行事官於尚書省受誓戒如常儀

陳設

前享二日右校清掃廟之內外及設題神主幕帷於廟南門之外道西南向內中尚司以先造栗木神主盛於箱覆以帕置於帷中前享一日禮生設享官公卿位於廟東門之內東階之東西向執事者位於其後設牲牌於東門之外當門西向以南爲上太祝掌牲者位於其牲南西向禮生以監祭御史宗正卿省牲西北南向太尉公卿位在牲西南北向又設罇彝之位於廟殿前楹間室戶之左北向皆如勺鬯各有站以置瓚爵每室籩豆簋簠陳設並如常儀

省牲

省日午後十刻廟所禁斷行人廟令整拂神帷脯後三刻

禮生引太尉公卿已下就東門外位掌事者牽牲就牌位
禮生引監祭御史宗正卿自東階升遙視滌濯於上訖引
就省牲位南向立禮生曰請省牲廩犧令於牲前西向曰
膾太祝巡牲一匝西向曰充次牽牲詣廟禮生引光祿卿
省鼎鑊申視滌濯饌牲具每事訖各還齋所享日未明十
五刻太官令帥宰人以鷹刀割牲取毛血共置一豆遂烹
牲

題神主

享日未明十刻禮生引禮官題神主官俱詣惟太祝以香
湯浴帝神主內官以香湯浴后神主拭以羅巾題神主官
就案跪指笏題云僖祖文獻皇帝神主次題文懿皇后崔

氏神主墨書訖以光漆重模之置於跌匱上加几於前次
題順祖惠元皇帝翼祖簡恭皇帝宣祖昭武皇帝神主並
如上儀訖宗正卿以酒脯祭奠安神訖宗正卿禮官帥腰
輿奉四廟神主俱還本室帳座俟行上謚之禮

上尊謚

其日冊使太尉副使司徒乘輅車自昇龍門奉四廟謚號

寶冊鹵簿鼓吹

不備而作

儀仗導引至太廟南門之外降車文

武百寮皇族諸親從寶冊入陳於殿庭北向禮生曰再拜
應在位官俱再拜分班東西序立禮官引冊使奉僖祖冊
升自西階於戶外北向舉冊官開匣冊使跪讀訖興捧置
於帷座之西司徒奉謚寶舉冊官開匣對舉司徒跪讀寶

文訖興捧置於帳座之西次太尉奉文懿皇后冊如室戶
外舉冊官開匣冊使跪讀訖興捧置於帳座之東司徒奉
寶舉寶官開匣對舉司徒跪讀訖捧置於帳座之東次順
祖廟翼祖廟宣祖廟讀冊讀寶行事並如僖祖室之儀次
冊使冊副使降階詣門北面立禮生贊再拜在位官俱再
拜俟行享禮

饋食

行上誼之禮將畢禮生引享官公卿於東門之外道南北
向監祭御史知廟卿博士太祝奉禮官闌令已下及執事
疊者先入主橫街北向立禮生曰再拜御史已下再拜訖
各升就位御史位於殿之西序東向知廟卿博士執事位

於東序西向禮生又引司空入詣殿東階下稍南西向位
再拜詣階下解劍脫舄升行掃除之禮降自西階佩劍紉
舄還位太尉已下相次入詣東階下位禮生曰再拜應在
位官俱再拜訖禮生曰有司謹具請行事太樂令奏理安
之樂九變訖又再拜禮生引太尉詣東階下解劍脫舄升
執瓚詣僖祖尊站所奉禮酌鬱鬯樂奏大善之曲入詣神座前北
向跪奠瓚訖執笏俛伏興退出戶北向再拜次執瓚詣順
祖罇站所酌鬱鬯樂奏大善之曲入詣神座前北向跪奠瓚訖執
笏俛伏興退出戶再拜次執瓚詣翼祖罇站所酌鬱鬯樂奏大善之曲入詣神座前北
向跪奠瓚訖執笏俛伏興退出戶再拜次執瓚詣宣祖罇站所酌鬱鬯樂奏大善之曲入詣神座前北

向跪奠瓚訖執笏俛伏興退出戶再拜降階佩劍納馬復
位太官令帥齋郎捧饌於東神門俟太尉奠瓚訖入自正
門禮生引司徒詣太階下西向解劍脫舄捧俎樂奏豐
安之曲詣
僖祖室神座前跪奠訖興出戶次捧翼祖之饌次捧順祖
之饌次捧宣祖之饌並如僖祖室之儀降自東階佩劍納
馬還位次引太尉詣盥洗位搯笏盥手帨手洗爵執爵詣
階下解劍脫舄升階詣僖祖尊站所酌醴齊入詣神座前
北向跪奠次奠副爵訖執笏俛伏興出戶北向立太祝執
版於戶右跪讀祝文訖太尉再拜又再拜訖次引詣順祖
室翼祖室宣祖室奠爵祝文並如上儀訖次引詣東序西
向受福酒位太祝以爵酌盥福酒又減神前三牲胙納於

俎進太尉再拜奉禮執爵捧授太尉跪受福酒祭酒啐酒
置爵於地受俎去俎取爵遂飲卒爵太尉興再拜再拜訖
引降階佩劍納舄復位禮生引宗正卿詣壘洗帨手執爵
詣東階下解劍脫舄升階詣僖祖樽站所酌醴齊八詣神
座前跪奠爵次奠副爵出戶再拜次詣順祖樽站所酌醴
齊入詣神座前跪奠爵次奠副爵出戶再拜次詣宣祖樽
站所酌醴齊入詣神座前跪奠爵訖出戶再拜次引宗正
卿詣東序西向太祝以爵酌壘福酒以授宗正卿再拜受
爵跪祭酒啐酒遂飲卒爵興再拜訖退降階佩劍納舄復
位次引光祿卿詣壘洗執爵升階酌奠並如宗正卿之儀
知廟少卿降階詣七祠行如常儀還位禮生曰賜胙再拜

又曰已飲福酒受胙不拜司徒司空陪位官再拜送神樂
之曲禮生曰衆官再拜應在位官俱再拜訖引享官公卿
自東門出詣齋宮立班文武百寮自南門出還次禮生引
御史已下降階下位西向再拜還諸宮立班焚祝版訖還
如常儀

太常因革禮卷第七十

太常因革禮卷第七十一

新禮四

上帝后謚號冊寶二

上帝后謚號冊寶二

大中祥符元年十一月二十七日天安殿命使加上太祖
太宗尊謚冊寶 封禪記大中祥符元年六月詔太祖英
武聖文神德皇帝加上尊謚曰啟運立極英武聖文神德
元功大孝皇帝太宗神功聖德文武皇帝加上尊謚曰至
仁應道神功聖德文武大明廣孝皇帝太常禮院奏上儀
注云

陳設

前二日有司於前殿陳設齋室如儀又於乾元殿中間設
尊謚冊寶幄次又於乾元殿後設更齋幄次又於朝堂設
文武百官齋次前一日有司於乾元門外設衛冊寶黃麾
仗及載冊寶玉輅金輅二乘并設冊寶使太尉本品儀仗
車輅於乾元門外奉冊寶日有司立仗於乾元殿如儀於
殿前上冊寶次前設皇帝褥位又於乾元殿下橫街之南
設太尉褥位文班前稍北又設皇帝授冊寶褥位南向又
設太尉授冊寶褥位於皇帝褥位之南北向又設冊寶褥
位八其四在皇帝授冊寶褥位之西其四在太尉受冊寶
褥位之東

齋戒

前一日午後三刻開門奏請皇帝赴前殿宿齋文武羣官
並宿齋於朝堂如前已有本司
者自於本司其日午後一刻中書令侍
中奉尊謚冊寶各承以案褥安於乾元殿丹墀西階之下
東向俟皇帝赴齋室中書令侍中各奉冊寶由西階升安
於嚮次有司嚴如儀

奉冊寶

其日未明三刻諸衛各勒所部屯門仗列如儀羣官等依
時刻集朝堂各服朝服陪位官各公服皇帝自致齋殿執
袍乘輿赴乾元殿更衣嚮次通事舍人以次引太尉及羣
官就位主節者持節立太尉後侍中殿奏中嚴又奏外辨
皇帝服通天冠絳紗袍出齋室太常卿跪奏稱具衛臣某

言贊導皇帝奉冊寶行事奏訖俯伏與前導皇帝詣冊寶

幄次北向

太常卿跪奏及贊引並太常博士前引

太常卿請皇帝再拜興儀

贊在位官皆再拜皇帝再拜訖稍東立中書令奉冊案侍

中奉寶案前行

其拜冊寶案官並以五品六品為贊官

太常卿贊引皇帝隨

冊寶降自西階至褥位中書令侍中奉冊寶案於皇帝褥

位之西太常卿奏請皇帝再拜興儀贊在位官並再拜拜

訖中書令奉太祖皇帝冊案至皇帝褥位前俛伏跪奉於

皇帝訖退立稍西東向太常博士引太尉至褥位北向立

皇帝以冊案跪授太尉太尉跪授訖中書侍郎奉冊案置

於大尉受冊寶褥位之東太尉少東立侍中又奉太祖皇

帝寶案至皇帝褥位前俛伏跪奉於皇帝訖退位稍西東

向太常博士又引太尉至禋位北向位皇帝以寶案跪授太尉太尉跪受訖門下侍郎奉寶案於太尉受冊寶禋位之東太尉少東立太常卿贊皇帝再拜興儀贊在位官再拜拜訖中書令又奉太宗皇帝冊案至皇帝禋位前俛伏跪奉於皇帝訖退立稍西東向太常博士引太尉至禋位北向立皇帝以冊案跪授太尉太尉跪受訖中書侍郎奉冊案置於太尉受冊寶禋位之東太尉少東立侍郎又奉太宗皇帝寶案至皇帝禋位前俛伏跪奉於皇帝訖退立稍西東向太常博士又引太尉至禋位北向立皇帝以寶案跪授太尉太尉跪受訖門下侍郎奉寶案於太尉受冊寶禋位之東太尉少東立太常卿贊皇帝再拜興儀贊在

位官再拜位實並於太尉先所贊禮皇帝奉冊寶訖南向

立太常博士引太尉奉冊寶出主節者持節前導太祖皇

帝冊案在前寶案次之太宗皇帝冊案又次之寶案又次

之中書侍郎門下侍郎各導於冊寶之前太尉居其後至

乾元門外太尉以次跪奉太祖皇帝太宗皇帝冊寶於玉

輅金輅中中書侍郎各夾侍於輅中太祖皇帝冊寶共安玉輅太宗冊寶共安

金輅行於黃麾仗之中所司護衛如式太尉奉冊寶訖出

乾元門升車本品鹵簿導從如儀其數次不檢作俟尊謚冊寶出

乾元門太常卿跪奏禮畢皇帝還齋室侍中奏解嚴所司

承旨放仗百官退赴太廟

饗六食

其日詣冊寶前饗太廟六室備祭七祠及設鍾磬於廟堂
上前楹間北向又設宮縣二舞於廟庭並如儀

太祖太宗
祀文述加

議之

上册寶

其日有司先設冊寶帷次於太廟神位之南量地之宜又
設太尉及百官次於廟內如常儀俟輅至太廟內帷次前
中書門下侍郎率昇冊寶官以奉冊寶入次

凡太尉升降并
太常博士前引

禮生分引文

尉至廟中降車隨冊寶入次

武羣臣入殿庭朝服就位東西相向讀冊寶官舉冊寶官
並先次升殿立

中書今詣冊中書舍人舉
冊付中書省給事中奉寶太尉率中書門

下侍郎等奉冊寶入自南神門宮懸顯安之樂作至殿庭

列於西階下樂止冊寶承以褥太尉以下立於冊寶後重
行異位與儀贊太尉及羣官並再拜拜訖太尉率中書門
下侍郎等奉冊寶升階登歌顯安之樂作

太尉每升降解
衣脫賜佩劍如

式如太祖冊寶置於太祖室門之西太宗冊寶置於太宗

室門之西樂止次引太尉當太祖室前俛伏跪奏具官臣
某言謹上加尊謚冊寶奏訖退立太尉後中書令立冊案
南奉冊官舉冊案中書令俛伏跪讀冊訖興退立太尉後
太尉奉冊寶入廟室登歌顯安之樂作退歸位樂止門下
侍郎跪奉寶案當太宗室前訖退立太尉後侍中進立寶
案南奉寶官舉寶案侍中俛伏跪讀寶訖興太尉又奉寶
案入廟室登歌顯安之樂作奉寶訖樂止太尉退立室門

外北向再拜退在位降階宮懸正安之樂作至殿庭本位
樂止應舉冊官並隨太典儀贊拜在位官皆再拜以次
出儀仗車輜各還其所即時文武百官詣東上閤門拜表
以冊禮畢稱賀

太常因革禮卷第七十一

太常因革禮卷第七十二

新禮五

上帝后謚號冊寶三

太中祥符六年十月二日命太尉改上元德皇太后尊號冊寶仍升祔告享太廟

天禧元年正月加上六室尊謚

慶歷四年十一月二十四日大慶殿真宗皇帝諸后尊號冊寶

大中祥符六年十月二日命太尉改上元德皇太后尊號冊寶仍升祔告享太廟 國朝會要是歲七月己未中書門下累上言乞改正元德皇后徽名升祔太宗廟室詔答

恭依典禮命宰臣王旦行禮

本末具廟設元德皇后門

禮院儀注云上

冊寶前奉祀公卿以下齋戒如常饗之儀前一日中書省以冊進內復降付所司差人擎投如式仍量設黃麾仗二千人自中書省前陳布之太廟有司先清掃廟之內外又於太廟南神門升道西設元德皇后神主幄坐東向所司具香湯改題神主席褥又具浴神主斛并白羅巾光漆筆墨又於元德皇后廟設冊寶帷次及設太尉已下并百官幕次於廟之內外量地之宜

告太廟

告日絕早門下省先奉謚寶於中書省與冊相次排列有司嚴奉如式其日中書侍郎門下侍郎率有司奉謚冊寶

置於與中書侍郎門下侍郎乘馬前導太尉乘馬後從儀

衛清道引授如儀至太廟百官先立班

行事官及百官並公卿奉執

太

尉奉冊寶入自南門殿庭午階之下太尉歸本位西向立

中書侍郎門下侍郎序立於太尉之後奉禮曰再拜在位

官俱再拜訖引太尉率中書侍郎門下侍郎奉謚寶升自

午階

奉冊奉寶官並新奉如儀

置於前楹之間褥位至位侍郎立於冊

寶案之前禮直官引太尉詣僖祖室指笏捧幣跪奠幣執

笏興出戶再拜次詣順祖翼祖宣祖太祖太宗室行禮並

如上儀降自東階還位少頃復引太尉詣壘洗指笏盥手

悅手執笏升殿諸僖祖室指笏跪執爵奠酒訖執笏出戶

外讀祝文訖再拜次詣順祖翼祖宣祖太祖太宗室酌獻

並如上儀訖降東陛還位次中書門下侍郎奉冊寶降階
還位立定奉禮曰再拜在位官俱再拜訖太尉率中書門
下侍郎奉冊寶以出所司引掖至本司如來儀有司展文
武百寮相次退版幣即知制誥太尉已下應奉冊寶官並
宿齋於本司或公館

元德皇后還祔

前一日有司設登歌樂兩架於廟堂之上前楹間北向升
祔日所司備黃麾仗二千人儀衛清道援引自中書省前
排列如儀太尉率所司奉謚冊寶赴元德皇后廟中書門
下侍郎乘馬前導侍中中書令乘馬於冊寶左右分行太
尉後從冊寶至本廟門外中書侍郎門下侍郎率昇冊寶

官以次奉冊寶入幄次展奉如儀俟百官立班定

禮廟庭
臨幸殿

兩高卿文臺供奉官班於廟庭餘文武
常參官並立班南神門外東西相向也太尉以上奉冊寶

如天禧元年加上祖宗尊謚之禮畢退赴太廟以俟立班
次宗正卿以酒脯行告遷之禮如常儀有司預備厭翟車
一乘殿中省排繖扇及所護儀衛腰輿等陳列訖引內常
侍詣元德皇后神座前跪奏稱攝內常侍具官臣某言請
元德皇后降座升輿赴太廟行祔謁升配之禮奏訖興宮
闈令捧神主降階升輿至廟門外又內常侍跪奏請降輿
升車奏訖興奉神主升車內外夾侍如儀至太廟南神門
外內常侍又奏請降車升輿宮闈令捧神主降車升輿至
幄殿內常侍又奏請降輿升座奏訖興有司備香湯訖宮

聞令捧神主沐浴以羅巾拭訖內臣捧跪題神主官改題訖以光漆模訖興內臣捧置於座少頃奉於輿上俟百官立班定內臣夾侍入自南神門繼扇儀衛駐於門外神輿至廟庭橫階南捧神主奉於褥位北向少頃內常侍進於褥位西北向跪奏稱元德皇后升祔太宗室請升輿至階宮闈令捧置於室內帷帳中使其賓助取訖太尉公卿已下

齋戒立班行禮樂作及遍祭七祠一如常享之儀廟中奉

祀官祭服行事官朝服餘官並公服

每禮生贊拜在位官皆再拜也仗衛

繼扇車輿等各還所司百官詣東上閤門拜表稱賀禮

院儀注是歲七月先有詔命內臣與宗正寺於太廟本堂造所遷后石室及升祔畢禮官奏請毀舊廟石室有詔不

許令嚴潔封鐫 禮院儀注天聖八年禮官又言元德舊廟欲廣爲齋宮謹按典禮祭服敝則焚之祭器敝則埋之焚之以示不用埋之不知鬼神之所爲其元德石室法物並乞於便地焚瘞詔可

天禧元年正月九日加上六室尊謚

國朝會要初大中祥符五年閏十月宰相以太祖尊謚有與聖祖名上字同者請下有司改易真宗曰朕亦熟慮改易非便况聖祖臨降皇家大慶六室宜各加上尊謚當令有司議定以聞免改動玉冊等即下詔太廟六室各奉上尊謚二字宰相與禮官叅詳加上僖祖曰文憲睿和順祖曰惠元睿明翼祖曰簡恭睿德宣祖曰昭武睿聖太祖曰

啟運立極英武睿文神德聖功至明大孝太宗曰至神應
道神功聖德文武睿烈大明廣孝詔恭依尋有詔候景靈
宮成上聖祖冊禮畢日行禮至天禧元年聖祖冊禮畢詔
上六祖謚冊太常禮院奏上儀注云

陳設

所司於文德殿後設皇帝更衣幄次又於朝堂設文武百
官次前一日有司於天安門外設衛冊寶黃麾仗及載冊
寶輅六乘并設奉冊寶用太尉本品儀仗車輅於正陽門
外奉冊寶日有司立細仗其儀衛冊寶并殿廷細仗並於已差下儀仗內分差於天
安殿廷如儀殿上册寶次前殿皇帝稱位又於天安殿下
橫階之南設太尉稱位於文班前稍北又設皇帝授冊寶

褥位南向又設太尉受冊寶褥位於皇帝褥位之南北向
又設冊寶褥位二十四其十二在皇帝受冊寶褥位之西
其十二在太尉受冊寶褥位之東又於太廟南神門外設
冊寶幄次其日午後一刻中書令侍中奉尊謚冊寶各承
以案褥其冊寶由西階外文德殿奉安於幄次有司嚴奉
如儀中書令侍中以下並於冊殿設次
宿衛更赴上看其香令為臣排設

奉冊寶

其日未明三刻諸衛各勒所部屯門列仗如儀羣官等依
時刻集朝堂各服朝服陪位者皆公服皇帝自內服靴袍
乘輿赴文德殿後更衣幄次中書令侍中已下並於冊寶
幄次前列侍通事舍人以次引太尉及羣官就位立於天

安殿廷主節者持節立太尉後侍中於文德殿東階下版

奏中嚴外辦皇帝服通天冠絳紗袍以出禮儀使跪奏稱

具官臣某言贊導皇帝奉冊寶行事

禮儀使跪奏及贊引並太常博士前引

奏訖俛伏興前導皇帝詣冊寶幄次北向禮儀使贊請皇

帝再拜訖奏請皇帝指主上香再上香三上香訖執圭俛伏

興奏請皇帝再拜又再拜奏請皇帝稍東立中書令奉冊

案侍中奉寶案前行

其昇冊寶官並五品六品清資官

禮儀使贊導皇帝

隨冊寶降自西階由右太和門至天安殿橫階南當中褥

位中書令侍中奉冊寶案於皇帝褥位之西禮儀使奏請

皇帝再拜典儀贊引在位官並再拜拜訖中書令指笏奉

信祖皇帝冊案至皇帝褥位前俛伏跪奉於皇帝訖執笏

興退稍西立東向太常博士又引太尉至稱位北向立禮
儀使奏請皇帝指主跪捧冊案授太尉太尉指笏跪受訖
奏請執圭俛伏興舁冊官捧案中書侍郎奉冊案至於太
尉受冊寶稱位之東太尉執笏興少東立侍中指笏又奉
僖祖皇帝寶案至皇帝稱位前俛伏跪奉於皇帝訖執笏
興退稍西立東向太常博士又引太尉至稱位北向立禮
儀使奏請皇帝指圭跪捧寶案授太尉太尉指笏跪受訖
奏請執圭俯伏興舁寶官捧案門下侍郎奉寶案於太尉
受冊寶稱位之東太尉執笏興少東立禮儀使奏請皇帝
再拜典禮贊在位官再拜拜訖冊寶並於太尉受冊寶稱
位之東以次東門北上
中書令侍中又奉順祖皇帝冊寶訖奏請皇帝再拜次中

書今已下又奉翼祖皇帝冊寶訖奏請皇帝再拜次中書
令已下又奉宣祖皇帝冊寶訖奏請皇帝再拜次中書今
已下又奉太祖皇帝冊寶訖奏請皇帝再拜次中書今已
下又奉太宗皇帝冊寶並如奉僖祖冊寶之儀訖禮儀使
奏請皇帝再拜典儀贊在位官皆再拜皇帝奉冊寶訖南
向立太常博士引太尉奉冊寶出主節者持節前導僖祖
皇帝冊案在前寶案次之順祖皇帝冊寶又次之翼祖皇
帝冊寶又次之宣祖皇帝冊寶又次之太祖皇帝冊寶又
次之太宗皇帝冊寶又次之中書門下侍郎各導於冊寶
之前太尉居其後至天安門外太尉以次跪奉諸寶冊寶
升於輅中中書門下侍郎各夾輅侍

僖祖皇帝冊寶共安
利家始順祖皇帝冊

實共安副金輪太祖皇帝冊寶共安副玉輪太祖皇帝冊
寶共安副金輪太祖皇帝冊寶共安正玉輪太祖皇帝冊
正金輪所司據衛如式太尉奉冊寶訖出正陽門升車本
品鹵簿導從如儀其鼓吹不振作俟尊謚冊寶出天安殿
門禮儀使跪奏稱禮儀使具銜臣某言禮畢奏訖俛伏興
前導皇帝還文德殿後幄次侍中版奏解嚴訖所司承旨
放仗百官退接銜冊寶儀仗導從至太廟門外止中書門
下侍郎各奉冊寶降輅太尉中書令已下導從赴南神門
外幄次奉安宿衛如式其儀仗兵士並退太尉中書令侍
中已下並於側
並該設幕宿更赴上香其香
大令內臣專切管與排設

攝太尉奏告六室

其日知廟少卿太祝宮闈令自東階升詣僖祖室入開壇

室奉出神主至於座次奉出順祖神主次奉出翼祖神主
次奉出宣祖神主次奉出太祖神主次奉出太宗神主並
如上儀訖各還位次引文武羣官各朝服以次就位太樂
令帥工人入就位其升座者皆跪
履於下降如式贊拜禮生亦先就位
應執事者並先入殿庭北向再拜訖升殿次引奏告太尉
就東階下褥位西向立定奉禮曰再拜典儀贊拜在位官
俱再拜拜訖奉禮曰有司謹具請行事樂作降神樂九成
止奉禮曰再拜典儀贊再拜在位官俱再拜訖太尉詣壘
洗盥手訖詣東階下解劔脫舄訖升殿詣僖祖室神座前
搢笏三上香跪捧幣奠幣訖執笏俛伏興於室戶外北向
再拜訖次詣順祖室翼祖室宣祖室太祖室太宗室上香

奠幣再拜並如上儀引太尉降還位少頃又引太尉再詣
盥洗盥手訖詣東階升詣僖祖室神座前指笏跪執爵奠
酒三奠訖執笏俛伏興出室外北向立俟太祝讀祝文其
述已上舊訖太尉再拜拜訖次詣順祖室翼祖室宣祖室
太祖室太宗室奠酒讀祝文再拜並如上儀訖降階佩劍
納履還位

命太尉上册實

既奏告太尉率中書門下侍郎等奉實冊入自南神門中
書令並導從登歌作顯安之樂至殿庭立於西階之下樂
止冊實承以褥太尉已下各就橫街之南北褥位立定奉
禮曰再拜典儀曰拜在位官俱再拜訖太尉率中書門下

侍郎等奉冊寶升殿登歌顯安之樂作至殿上冊寶案各
置於室門之西樂止次引太尉詣僖祖室前俛伏跪奏稱
攝太尉具官臣某言孝曾孫嗣皇帝臣御名謹遣臣等奉
上尊謚冊寶奏訖俛伏興稍西立中書侍郎奉僖祖冊案
跪置於當室前褥位訖執笏俛伏興稍西立於太尉之後
引中書令立於冊案南舉冊官舉冊案中書令俛伏興讀
冊訖興中書令已下奉冊案入殿室登歌顯安之樂作奉
安訖樂止門下侍郎奉僖祖寶案跪置於當室前褥位訖
執笏俛伏興稍西立於太尉之後引侍中立於寶案南舉
寶官舉寶案侍中俛伏跪讀寶訖興侍中已下奉寶案入
殿登歌顯安之樂止太位詣室門外褥位再拜訖次五室

皆如上儀太尉而下俱降階宮懸正安之樂作佩鉦鈸履
還本位樂止應奉冊寶官并隨太尉降階以次就位送神樂一成止典儀贊
拜在位官皆再拜訖以次出太尉知廟少卿已下痊幣如
常儀監焚祝版於齋坊之內訖各還歸次俟皇帝至太廟
齋殿百官公服拜表稱賀如儀

慶歷四年十一月二十四日大慶殿改上真宗皇

帝諸后尊謚冊寶

國朝會要是歲改上真宗皇帝諸后尊謚冊寶其日皇帝
如大慶殿奉冊寶以授太尉太尉奉章穆皇后冊寶於太
廟奉章懷皇后冊寶於后廟奉章獻明肅皇后章懿皇后
章惠皇后冊寶皆於奉慈廟其載冊寶以重翟車正副二

乘各駕四青馬駕士各二十四人厭翟車正副二乘各駕
四赤馬駕士各二十四人翟車一乘駕四騶馬駕士二十
四人之本並當駕重翟車以今無之故代以厭翟車及翟車其奏告以太尉三人奉冊
實以太尉三人讀冊以中書令三人讀實以待中三人奉
冊以中書侍郎三人奉實以門下侍郎三人舉冊以中書
舍人六人舉實以給事中六人奉冊實案每案各以五品
六品清資官六人皇帝於大慶殿奉冊實則每廟之官各
從其冊實奉冊太尉乘革輅木輅革輅正副二乘各駕六
騶馬駕士四十人木輅一乘駕六烏馬駕士四十人本並當乘
革輅以今無之故代以木輅其廟中之樂有登歌而無宮懸 禮院儀
注是歲禮官初上言后廟地位至狹不可容宮縣之樂今

太廟七室止行告禮而又有司攝事今只有事於奉慈廟
乞只設登歌於禮為稱詔可

太常因革禮卷七十二

太常因革禮卷第七十三

新禮六

親謝宗廟三

大中祥符元年十一月二十七日親謝太廟六室

四年四月六日親謝太廟六室

同日親謝元德皇太后廟

國朝凡親祀畢或詣太廟行親謝之儀其禮皆相類今止取祥符三儀錄之其

親謝宗廟

大中祥符元年十一月二十七日親謝太廟六室 封禪

記是歲初封太山畢加上太廟六室尊謚次行親謝之禮太常禮院撰儀曰告前二日尚舍長設御幄於太廟東神

門外南向又設文武侍臣幕次又設皇帝版位及盥洗并
行禮褥位如常儀告前一日有司備鸞駕儀仗於乾元門

外

又設大鞞於乾元門外

太樂令展宮縣之樂於廟庭及設歌鍾歌

磬協律郎舉麾位如儀又設尊彝勺畢如常儀躬謝日皇

帝於乾元殿授太尉尊謚冊寶訖歸殿後更衣幄次侍中

奏解嚴百官先赴太廟上冊寶如別儀

冊禮畢百官依舊序班以俟皇帝行

禮太廟上冊寶相次侍中復於乾元殿東階下版奏中嚴

又奏外辦

應導駕官並俟於西街下

皇帝服通天冠絳紗袍乘輿以出

導駕官橫行起居訖前導至乾元門外侍中奏降輿乘輦

及門下侍郎奏進發敕侍臣上馬并所司勘箭並知常儀

皇帝至幄次侍中奏降輦少頃版奏中嚴外辦皇帝衣冕

將出次以禮儀使贊導

凡禮儀使贊導並博士前引

跪奏具官臣某贊

導皇帝行事前導至東神門外殿中監進鎮圭皇帝執圭

至版位西向禮儀使奏請皇帝再拜禮生贊羣官再拜禮

儀使贊有司謹具請行事

準禮合九變降神今緣嘗禮降神變畢雖未送神及未納木主

所以皇帝行禮更不奏九變也又奏請皇帝至階下褥位西向解劍脫履

皇帝升降酌獻宮縣登歌作樂如儀升詣僖祖室神座前侍中進幣皇帝指

圭跪捧幣奠幣訖奏請執圭俛伏興於室戶外北向奏請

皇帝再拜訖次詣順祖室翼祖室宣祖室太祖室太宗室

真幣再拜并如儀禮儀使前導皇帝降階佩劍納馬還版

位少頃禮儀使又奏請詣盥洗奏請指圭盥手巾悅洗爵

拭爵如常儀執圭詣階下褥位解劍脫履升詣僖祖室神

座前侍中進酒爵皇帝指圭跪執爵奠酒再奠終奠侍中
又進副爵皇帝執副爵奠酒如儀皇帝執圭與出戶外北
向立俟中書侍郎跪讀冊訖禮儀使奏請皇帝再拜訖次
詣順祖室翼祖室宣祖室太祖室奠酒讀冊再拜并如儀
次詣太宗室神座前奠酒三爵三再拜訖禮儀使前導皇
帝詣東門褥位西向奏請皇帝再拜侍中進福酒又奏請
皇帝指圭跪執爵飲福酒訖侍中受虛爵禮儀使奏請皇
帝執圭俛伏興又奏請皇帝再拜訖前導降階佩劍納舄
還版位送神樂一成止禮儀使奏請皇帝再拜禮生贊拜
在位羣官俱再拜禮儀使跪奏具官臣某言禮畢前導皇
帝出東神門殿中監受鎮圭歸幄次轉仗衛於還途如來

儀侍中奏解嚴百官並公服詣幄次起居少卿侍中又奏
嚴外輯皇帝服通天冠絳紗袍以出侍中跪奏升輦門下
侍郎奏請車駕還內教侍臣上馬並如常儀皇帝至乾元
門外侍中奏降輦皇帝乘輿至更衣幄次侍中奏解嚴所
司承旨放仗皇帝常服還宮百官以次退

大中祥符四年四月六日恭謝太廟六室 汾陰記是歲
儀與元年親謝太廟六室儀並同元年侍中進六室幣此
行進瓚之禮不進幣元年司徒不奉俎不進俎不行撤豆
此行奉俎進胙撤豆之儀餘並同上儀

大中祥符四年四月六日親謝元德皇太后廟 汾陰記
是歲初皇帝祀后土畢至三月乃降詔曰朕昨陟高雎克

成昭事享明靈於博厚延介福於烝黎蓋憑列聖之儲休
愈極因心之追慕將歸格於祖廟冀口達於孝思恭惟元
德皇太后恩積勛勞道隆聖善自肇登於寶位尋高啟於
閭宮且昭薦以時素潔烝嘗之祭而靡同諸后獲從禘祫
之文雖別廟以展儀有指紳之口請乞行升祔繼覽封章
今告至有期命官奉祀而禮儀使戶部尚書知樞密院事
王欽若思舉厥職懇有上言請因飲至之辰並用親祀之
禮且稱歷代必有舊章是以延問公卿諮詢故實庶叶奉
先之至德不踰稽古之令猷當在得宜以副朕意宜令中
書門下與禮官定議聞奏奏曰爲禮之經本於致孝化民
之道始於奉先俾茂實之增新自昌辰之煖發伏惟元德

皇太后儲祥沙麓叶慶堯門賓垂裕於家邦用挺生於明
聖此者皇帝陛下祇祀坤載追感母儀暨臨歸格之初益
戴劬勞之德樞臣建議清問下民思古道以奉尊命攸司
而博攷竊以樂奏夷則允著於周書牲用太牢具存於魏
志至於回謁別廟亦有舊章儀誠協於必恭禮實彰於盡
美伏望四月六日恭謝太廟禮畢車駕親謝元德皇太后
廟如太廟之儀所有孝惠諸后雖宸心尊奉而廟室至多
慮有司成跛倚之勞致祀典失嚴恭之節伏望其日分命
大臣致祭臣等據禮官詳定如前欲乞依定議施行詔可
是日恭謝太廟畢皇帝自大次服通天冠絳紗袍乘輿赴
廟行禮如親謝太廟之儀

太常因革禮卷第七十三

太常因革禮卷第七十四

新禮七

薦獻玉清昭應宮

薦獻景靈宮

薦獻玉清昭應宮

禮閣新編大中祥符六年玉清昭應宮成詔自今皇帝親祀皆前二日行薦獻之禮有司具儀以聞至天聖五年火災自此遂罷薦獻儀曰前一日尚舍直長設大次於朱曦門外道北南向隨地之宜尚舍奉御鋪御座黃道褥位如儀守宮設文武侍臣次於大次之側隨地之宜又設公卿齋次及文武官次文官在左武官在右俱相向東方南方

朝集使次於文官之南東方南方蕃客又於其南俱每等異位重行西向北上西方北方朝集使次於武官之南西方北方蕃客又於其南俱每等異位重行東向北上

計州使八

分方各於朝集使之后

又設饌幔於太初殿東階下又設燎爐於殿

之東南太樂今設宮架之樂於殿廷東方西方磬虞起北鍾虞次之南方北方磬虞起西鍾虞次之設十二鐃鐃於編架之間各依辰位立雷鼓於北架之內道之左右植建鼓於四隅置祝敔於架內

祝在左敔在右

諸工人各銜於架後東方西方以北爲上南方北方以西爲上

太常卿押樂如常儀

又設歌

鍾歌磬於太初殿上前楹間北向磬虞在西鍾虞在東其執乾竹者立於階間重行北向相對爲位

凡架皆居而編之也

右校

清掃宮之內外郊社令積柴於燎爐奉禮郎設皇帝版位於丹墀上東階之東西向又設亞獻三獻位於龍墀上東階之東又設公卿版位於殿東階下沙墀內西向設望燎位於龍墀之上稍西南向又設皇帝解劍脫舄位於丹墀東階之東西向設御史位於殿下西東南向設監禮博士位於殿下東南西向設奉禮郎位於樂架東南贊唱禮生在南差退並西向又設叶律郎位二一位於太初殿上西階之西一位於樂架西北俱東向又設太樂令位於樂架之間設太常卿押樂位於樂架之北俱北向設從祀官文官九品已上位於執事位之南東方南方朝集使於文官之南東方南方蕃客又於其南俱每等異位重行西向北

上設武官九品已上位與文官相對西方北方朝集使於
武官之南西方北方蕃客又於其南俱每等於異位重行
東向北上其諸朝集使之各分方設酒罇之位大罇著罇犧
罇山壘各二在大初殿上東南北向象罇壺罇山壘各二
在殿下丹墀之上北向俱西上設御壘洗於版位之西南
北向壘在洗東篚在洗西南肆篚實以設亞獻三獻壘洗
於本位之西南北向設玉幣篚於太初殿上罇站之所又
設皇帝飲福位於殿之上玉皇大帝座之南北向又次
東稍南設亞獻三獻飲福位北向執罇壺篚者於罇壺
篚幕之後

誓戒

前七日平明太尉誓百官於尚書省曰今年某月某日有事於某所前二日皇帝詣玉清昭應宮景靈宮行禮其他如常儀

致齋

出宮前一日所司宣攝內外各供其職致齋日質明有司陳大駕鹵簿於正陽門外尚舍奉御鋪御座於齋室尚舍直長張帳於前楹下致齋之日皇帝自內赴天安殿後如儀其致齋時辰間儀門依近儀奏詣畫漏上水一刻禮官引侍中詣閤版奏請中嚴宣事舍人分引文武五品已上官朝服陪位如式諸位之官各服其服諸侍臣結佩凡齋者則結佩俱詣閤奉迎上水二刻引侍中版奏外辦上水三刻皇帝服通天冠絳紗

袍結佩乘輿出自西房華蓋警蹕侍衛如常儀皇帝即御座東向侍臣夾侍如儀應在位官俱再拜一刻頃侍中前跪奏稱攝侍中具官臣某言請皇帝降座就齋室奏訖俛伏興還侍位皇帝降座入室文武侍臣各還所司如常儀宣事舍人分引文武百官以次出應預事之官及從升者并文武羣官並散齋四日準舊儀散齋各宿於正寢致齋三日應預祀之官齋於公所近侍之官並從升者及文武羣官各宿於朝堂及有司有司謂內苑有所司者其押仗側者各置於仗所諸方客使各宿於公館清齋一宿其預祀官已齋而闕者同攝行事諸祀官致齋之日官給酒食明衣各習禮於齋所光祿卿監收明水火太官今取水於座鑑取水於陽燧火以供費水以實鐃今依述例施行

告潔點饌

前一日未後十刻於殿廷諸衛之屬禁止人行晡後二刻
禮生引公卿已下蹲站盥洗畢入設於位晡後三刻禮
生引公卿已下俱就殿廷饌所禮生引太常卿贊引御史
入升視滌濯執鐃者皆太官令禮生引光祿卿詣厨省鼎
錢申視滌濯執鐃者皆禮生贊引公卿御史詣厨省饌俱還
齋所

車駕赴宮

其日宣事舍人分引侍中中書令已下俱詣天安殿西階
下奉迎侍中負乘黃令進玉輅於天安門外南向千牛將
軍一員執長刀立於輅前北向門下侍郎一員在侍臣之

前贊者二人又於其前大僕卿奮衣而升正立執轡引侍

中版奏請中嚴少頃又奏外辦訖皇帝服通天冠絳紗袍

乘輿以出降自西階所司候車導駕官迎拜起居如常儀

稱警蹕至玉輅所千牛將軍前執轡侍中跪奏稱攝侍中

具官臣某言請皇帝降輿升輅訖俛伏興下皆準此皇帝升輅

太僕卿立授綏侍中中書令已下夾侍如儀門下侍郎進

當車駕前跪奏稱門下侍郎具官臣某言請車駕進發俛

伏興退後位又門下侍郎奏請皆進當車駕與車駕動又稱前跪奏稱具言臣某訖俛伏興

警蹕門下侍郎與贊者夾侍以出千牛將軍夾輅而移至

正陽門車駕權駐車駕又出入所司易駕出至正陽門侍

臣上馬所門下侍郎前跪奏稱請車駕權駐敕侍臣上馬

侍中前稱旨退稱曰制可

凡侍中承旨皆宣事舍人前引

門下侍郎退稱

侍臣上馬贊者承傳文武侍臣皆上馬諸侍衛之官各督其屬左右翌駕在黃麾內符寶郎與殿中監後部從在黃鉞內侍中中書令已下夾侍於前贊者在供奉官內侍臣上馬畢大內留守於正陽門外再拜辭訖門下侍郎跪奏請車駕進發車駕動稱警蹕鼓傳音如儀不鳴鼓吹不得喧譁大駕鹵簿前導赴玉清昭應宮車駕將至宣事舍人分引文武羣官諸方使客禮生引行事公卿俱詣宮門外序班再拜奉迎車駕至宮東裏栳星門外

有司勅如儀

入萬春

門至延口門外回輅南向千牛將軍降立於輅右侍中跪奏稱具官臣某言請皇帝降輅乘輿奏訖俯伏興繖扇華

蓋侍衛如儀皇帝乘輿至朱曦門外大次宣事舍人承旨
敕羣官各還次以俟行禮前二日差官以青詞奏告玉清
昭應宮太初殿景靈宮會靈觀祥源觀及差官奏告天地
社稷宗廟及在京諸神廟及至月祭經由橋梁輓祭道路
等

奉玉幣

其日未明三刻諸公卿及從祀之官仍服朝服赴太初殿
郊社令良醢令各帥其屬入實搏黍玉幣或六搏之次大
搏為上實以
齊者搏次之寔以盞齊為下建以三酒幣以蒼色長
一丈八尺太祝以玉幣置於篚太官令帥進饌者實諸豆
簋簋等各設於饌帳內又設饌於殿之內未明三刻奉禮

郎贊拜禮生先入就位贊引御史博士諸太祝及令史與

執尊罍筮畢者入自殿庭重行北向西上立定奉禮曰再

拜禮生承傳

凡奉禮有詞皆禮生承傳

御史已下皆再拜訖執尊罍洗

畢者各入就位禮生引御史諸太祝各就位未明一刻禮

生贊引公卿宣事舍人分引從祀官客使等俱入就位太

樂令帥工人入就位

其升殿者脫於下降如式

禮生引司空入就位

立定奉禮曰再拜司空再拜訖禮生引司空詣東階升行

掃除於上降行樂架於下訖引復位太常博士引禮儀使

并太常卿立於御幄之前次引侍中版奏請中嚴少頃又

奏外辦皇帝服衮冕以出

公卿及從祀官並朝服立官公版陪位

禮儀使俛

伏跪奏稱禮儀使具官臣某言請皇帝行禮奏訖俛伏興

太常卿前導殿中監進鎮圭

華蓋伏衛於門外近侍之官各整衣敝入如儀

皇

帝至版位西向立

年上定禮儀使太常卿與博士退分主於左右

禮儀使前奏請

再拜皇帝再拜訖奉禮曰再拜在位官皆再拜

先已拜者不拜禮

儀使贊曰有司謹具請行事協律郎跪俛伏興舉麾行

則皆跪取而興置物則跪置訖俛伏興

鼓祝奏降聖奏真安之樂以圜鍾為

宮黃鍾為角太簇為徵姑洗為羽六成

圜鍾三奏黃鍾太簇姑洗各一奏

偃麾戛敔樂止

凡樂皆協律郎舉麾工鼓而後止

禮儀使奏請

皇帝再拜拜訖奉禮曰再拜在位者皆再拜訖禮儀使前

引皇帝詣壘洗樂作皇帝至壘洗樂止侍中跪取匱與沃

水又侍中跪取盤承水皇帝搯圭盥手門下侍郎跪取巾

於匱興進皇帝帨手訖執圭門下侍郎受巾置于匱

蓋儀奉玉

上不詣要洗今終
上香故先盥手

禮儀使前引皇帝隆安之樂作詣東階

下褥位解劍脫舄升自東階侍中中書令已下及左右侍

衛之官量人數從升下皆皇帝升殿樂止詣玉皇大天帝

座前北向立登歌作靈安之樂禮儀使奏請皇帝指圭跪

上香三上香其香并香爐太祝加玉於幣以授侍中侍中

奉玉幣西向俟皇帝上香訖侍中跪進皇帝受玉幣凡授

執圭跪伏與北向奉玉皇大天帝座前訖執圭俛伏與

又奏請皇帝再拜拜訖登歌樂止禮儀使前導皇帝樂作

皇帝降自東階佩劍紉舄還版位西向立樂止

薦饌

皇帝既升奉玉幣訖降階樂止太官令帥薦饌者奉饌各

陳於饌慢禮生引司徒出詣饌所司徒奉玉皇大天帝之
饌初入門吉安之樂作以黃鍾之均饌既至東階樂止諸
太祝迎於殿上各設於座前訖禮生引司徒及太官令帥
進饌者俱降以出司徒復位諸太祝各還褥所禮儀使前
引皇帝詣盥洗樂作皇帝至盥洗樂止侍中跪取匱與沃
水又侍中跪取盤承水皇帝指圭盟手門下侍郎跪取巾
於匱興進皇帝帨手訖門下侍郎受巾置於匱禮儀使前
引皇帝樂作贊引詣階下解劍脫舄升自東階樂止禮儀
使贊引皇帝詣玉皇大天帝蹲站所執樽者舉畢侍中贊
酌沆齊訖慶安之樂作禮儀使前引皇帝進詣玉皇大天
帝座前北向揖圭跪三進酒

蓋用金石內臣等預行潔器通酒按蓋此時差官執

主佖伏興禮儀使奏請皇帝少立樂止捧冊官舉冊進於
座之右中書侍郎東向跪讀冊訖禮儀使奏請皇帝再拜
拜訖樂作中書侍郎進跪置冊於座前興還鐃所禮儀使
次引皇帝詣受福位北向立慶安之樂作侍臣以酒酌上
尊授侍中侍中捧盞西向跪進禮儀使奏請皇帝再拜拜
訖搢圭受盞齊酒呼酒飲福如食訖侍中進受虛盞以授侍臣禮
儀使奏請皇帝執圭佖伏興又奏請皇帝再拜拜訖樂止
禮儀使前引皇帝樂作降自東階佩劍納馬還版位西向
立樂止文舞退迎武舞鼓祝奏冲安之樂立定憂教樂止
皇帝將復位禮官引亞獻詣盥洗盥手訖自本位解劍脫
履訖升太初殿武舞作降莫觀德之舞禮官引詣玉皇大

天帝座前北向揖筭跪進酒訖執筭俛伏興少退再拜訖
引就飲福位再拜訖揖筭跪受盞啐酒飲福訖執筭俛伏
興再拜禮官前引降階至本位佩劍納履次引三獻升行
禮並如亞獻之儀降階還位訖武舞止徹饌吉安之樂作
上下諸太祝及祝史齋郎各進跪徹蓬豆興還爵所徹蓬豆各
於一少於故處樂止奉禮曰已飲福不拜賜福酒衆官再拜禮生
贊賜飲福酒衆官再拜在位者皆再拜訖送聖奠安之樂
作一成止禮儀使奏請皇帝再拜訖奉禮曰再拜禮生贊
衆官再拜在位官俱再拜

望燎

送聖樂一成止在位官皆再拜訖禮儀使奏請皇帝就望

燎位前引皇帝樂作就燎位南向立樂止舉榼大

如首行

禮即太祝各執篚迎玉皇大天帝座前取玉幣竹冊齋郎

以饌案載黍稷飯及爵酒降殿西階登柴燎以玉幣竹冊

饌物置於柴上皆從燎奉禮曰可燎東西六人以炬大燎

半柴禮儀使稍前俛伏跪奏具銜臣某言禮畢前導皇帝

降階還御帷樂作將至御帷殿中監受鎮圭華蓋侍銜如

常儀皇帝入樂止禮生贊引公卿宣事舍人分引從祀羣

官諸方客使以次出贊引御史博士太祝已下俱復執事

位立定奉禮曰再拜御史博士已下皆再拜訖工人以次

出如式其分獻官各詣諸殿行禮如儀皇帝既入帷次侍

中奏解嚴訖迎仗赴景靈宮

薦獻景靈宮

禮閣新編大中祥符九年景靈宮成詔自今皇帝親祀皆
前二日行薦獻之禮有司遂具儀注以聞其儀與玉清昭
應相類今不錄所異者玉清宮神則玉皇大天帝景靈宮
則聖祖天尊大帝玉皇則太樽著樽犧樽山壘各二在太
初殿上東南北向象樽壺樽山壘各二在殿下丹墀之上
北向西上聖祖則著樽犧樽象樽壺樽山壘各二在天興
殿上東南北向玉清昭應宮有丹墀龍墀沙墀景靈宮無
此玉清昭應宮設大次於朱戟門外設版位於丹墀上亞
獻終獻版位於龍墀上行事公卿版位於殿東階下沙墀
內設望燎位於龍墀上設皇帝解劔位於丹墀東階之東

西向景靈宮設次於天興殿庭東序設皇帝版位於東階
之東設亞獻終獻版位於次東稍南行事公卿版位稍東
次南設望燎位於殿之東南向皇帝解紐位於東階之下
西向

太常因革禮卷第七十四